

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiitaliani siulittaasut nalunaarutaat.

Aningaasaqarnermut tunngasut

- Imm. 04** 2014-imut missingersuutissat ukiunullu 2015-imiit 2017-imut missiliutissat siulermeernerri.
- Imm. 05** Isertitat pillugit isertitassatut immikkut aningaasaliissuteqarneq.
- Imm. 06** Utoqqaat Angerlarsimaffiani allafinnik paarlaassinissamut immikkut aningasaliissutissanik qinnuteqaat.

Suliassat nalinginnaasut

- Imm. 07** Ataatsimoorussamik Atammik/Napasoq nunaqarfinni aqutsisuniit sulinngiffeqarnissamik qinnuteqaat.
- Imm. 08** Ilaqtariinnermut ataatsimiitaliami ilaasortatut tunuarniarluni qinnuteqaat.
- Imm. 09** Teknikkимut Avatangiisinullu ataatsimiitaliami ilaasortatut tunuarniarluni qinnuteqaat.
- Imm. 10** Oqaluuserisassatut siunnersut – Tarnimikkut eqqarsataatsimikkullu nappaatillit innarluutillillu qassiunerinik misissuinissaq.
- Imm. 11** Oqaluuserisassatut siunnersuut – Qimatulivimmi kalaalimernit atorluarnissaat akikillineqarnissaallu.
- Imm. 12** Oqaluuserisassatut siunnersut – Puttasut pisanillu niusiviusinnaasumik pilersitsinissaq.
- Imm. 13** Oqaluuserisassatut siunnersuut – Aalisakkanik tunitsiveqarsinnaaneq pillugu seminaarertitsinissaq.
- Imm. 14** Oqaluuserisassatut siunnersuut – Oqaatsinut politikkimik suliaqarnissaq.

- Imm. 15** Tamalaat.



***Kommunalbestyrelsip septembarip 26-ani 2013-imi ileqqusumik ataatsimiünnerata 06/2013-ip
imaqarniliornera***

Ataatsimiinneq videokonferenci atorlugu ingerlanneqarpoq aallartillunilu nal. 8:40

Peqataasut:

Atassut

Ole Hammond, Maniisoq – Siverth K. Heilmann taarserlugu
Tønnes Kreutzmann, Kangaamiut – Sisimiuni peqataavoq
Mette Sofie Lerch, Sisimiut
Bitten Heilmann, Maniitsoq

Inuit Ataqatigiit

Agathe Fontain, Sisimiut – Imm. 03-miit peqataavoq
Malene Ingemann, Sisimiut

Siumut

Hermann Berthelsen, Sisimiut
Gedion Lyberth, Maniitsoq
Evelyn Frederiksen, Sisimiut – Nuummiit oqarasuaatikkut peqatavoq
Aqqalu Skifte, Maniitsoq
Hans Frederik Olsen, Sisimiut
Marius Olsen, Sisimiut
Jakob Olsen, Sisimiut
Klaus R. Berthelsen, Maniitsoq
Alfred Olsen, Sisimiut

Nalunaaruteqarlutik peqataanngitsut:

Nalunaaruteqaratik peqataanngitsut



Imm. 01 Oqaluuserisassat akuersissutigineri

Aalajangiineq

Tamalaani apeqqutit:

Marius Olsen - nunami qamuteralannik sisamanik assakaasulinnik atuineq.

Gedion Lyberth - qamuteralannik nunami angallanneq pillugu tusarniaaneq sumut killinnersoq.

Oqaluuserisassat akuersissutigineqarput.

Imm. 02 Borgmesterip nalunaarutaa

Aalajangiineq

Borgmesterip nalunaarutaa oqaaserineqartut ilanngullugit tusaatissatut tiguneqarpoq.

Imm. 03 Ataatsimiititaliani siulittaasut nalunaarutaat

Aalajangiineq

Ataatsimiititaliat siulittaasuisa nalunaarutaat oqaaserineqartut ilanngullugit tusaatissatut tiguneqarput.



**Kommunalbestyrelsip septembarip 26-aní 2013-imí ileqqusumik ataatsimiinnerata 06/2013-ip
imaqarniliornera**

**Imm. 04 2014-imut missingersuutissat ukiunullu 2015-imiit 2017-imut missiliuutissat siul-
lermeernerí**

Journalnr. 06.01.01

Tunuliaquaq

Aningaasaqarnermut ataatsimiitaliaq februuarip 12-ianí 2013-imí ataatsimiinnermini 2014-imut missingersuutissatigut ukiunullu missiliuuteqarfiusussanut piffissaliussatut pilersaarutit kiisalu 2014-imí missingersuutissatigut aningaasatigut killiliussassat aalajangiiffigivai

Politikkikkut partiit, ataatsimiitaliat nunaqarfinnilu aqutsisut 2014-imut missingersuutissatigut, ukiunullu missiliuuteqarfiusunut kissaatiminnik juunip 20-ianí 2013-mi tunniussaqarput, kommunalbestyrelsílu missingersuusiornermut atatillugu aggustip 29-niit 30-anut 2013-mi isumasioqati- giisitsilluni.

Maleruagassatigut tunngavissaq

Kommunit missingersuusiornerat, aningaasanik tigoriaannaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 13, 26. juli 2010-meersoq.

Qeqqata Kommuniata karseqarnermut naatsorsuuserinerimullu malittarisassai.

Pissutsit atuuttut

Aningaasaqarnermut ataatsimiitaliaq maaip 7-aní 2013-imí ataatsimiinnermi 2014-imut missinger-suutitigut, ukiunullu 2015-imiit 2017-imut missiliuuteqarfiusunut killiliussassat aalajangersarpai.

Tamatuma malitsigisaanik kommunalbestyrelsip 2013-mut atatillugu immikkut aningaasaliissutit ataasiakkaat nuussinerillu akuersissutiginikuuai, tamakkulu aamma 2014-mi missingersuutitigut ukiunilu missiliuuteqarfiusuni malunaateqartussaallutik.

Iluarsiissutit tamakku iluarsiissutigereerlugit 2014-mut missingersuutissatigut, taamatullu ukiuni missiliuuteqarfiusuni 2015-imiit 2017-imut siunnersuutit tulliuttutut isikkoqalerlutik:

Konto	Kontop taaguutaa	Miss. siunn. 2014	Missiliuutit 2015	Missiliuutit 2016	Missiliuutit 2017
1	Allaffissorneq	96.345	96.345	96.345	96.345
2	Teknikki avatangiisillu	36.481	36.481	36.481	36.481
3	Suliffissaqartitsiniarneq inuutissarsiutillu	24.563	24.563	24.563	24.563
4	Isumaginninnermut tunngasut	174.181	174.181	174.181	174.181
5	Ilinniartitaaneq kulturilu	219.094	216.575	216.575	216.575
6	Pilersuineq	4.398	4.398	4.398	4.398
	Ingerlatsineq katillugit	555.062	552.543	552.543	552.543
7	Sanaartorneq katillugit	51.075	31.079	14.000	14.000
	Aningaasartuutit katillugit	606.137	583.622	566.543	566.543
8	Isertitat	-601.585	-601.585	-603.585	-603.585
	Ingerlatsinermi angusat	4.552	-17.963	-37.042	-37.042
9	Killiffimmí nikingassut	10.471	7.980	5.000	5.000
	Oqimaaqatigiissitsineq	15.023	-9.983	-32.042	-32.042
	Ukiup aallartinnerani uninngasuutit (1)	340	-14.683	-4.700	27.342
	Ukiup naanerani uninngasuutit	-14.683	-4.700	27.342	59.384

(1)kommunalbestyrelsími aggusti 2013-i aallaavigalugu akuersissutaasimasut toqqammavigalugit ukiup aallartinnerani pigisassat



**Kommunalbestyrelsip septembarip 26-ani 2013-imi ileqqusumik ataatsimiünnerata 06/2013-ip
imaqarniliornera**

2014-imut missingersuutit karsimiittuutitigut amigartooraasussatut isikkoqarnerat oqaatigineqas-saaq, tamannalu ingerlatsinikkut sanaartukkatigullu aningaasartuutissat 5 procentiinik karsimiittu-teqarnissamik siunertamut naapertutinngilaq.

Aammattaaq oqaatigineqassaaq, ukiuni missiliuteqarfiusuni sanaartugassanut aningaasaliissutikit-suuararsuummat, tamannalu patsisaanerpaalluni ukiuni missiliuteqarfiusuni karsimiittuutit anner-tuumik pitsangoriaateqarnerinut.

Missingersuutinut tigummisanut iluarsiissutit

Avatangiisitigut isertitanut missingersuutini iluarsiissuteqarnermut atatillugu, 2013-imi maajimi isertitat taakku 10 procentimik iluarsiissuteqarfiiupput. Konto 68-05-imi ikualaavinnut akitsuutinut iluarsiissuteqartoqarsinnaanngilaq, tassami kiassarnerup Nukissiorfimmut tunisinermut aki kommunimit aalajangerneqarneq ajorpoq. Taamaalilluni annertuallaamik isertitaqarnermut naatsorsorneqarsimasut 470.000 koruunit (Sisimiuni 320.000-it Maniitsumilu 150.000-it) utertinneqartussaassapput.

Namminersorlutik Oqartussat Kanukoka-llu ataatsimoortumik tapiissutit pillugit isumaqtiginniarnerat piffissaliussap iluani naammassineqarput, tassa aasaanerani sulinngiffeqartarnerit aallartinnginnerani. Oqaluuserisassani isertitassatut ilassutitut aningaasaliissuteqarnissanut suliarineqartussamut sanilliullugu , ataatsimoortumik tapiissutinut isumaqtigisiutip Qeqqata Kommunia 2,7 mio. koruuninik annerusumik tapiissutinik tunineqarpoq.

Konto	Isertitatigut iluarsiissutit	2014	2015	2016	2017
66-05	Ikuallaaveqarneq	470	470	470	470
83-01	Ataatsimoortumik tapiissutit	-2.719	-2.719	-2.719	-2.719
	Katillugit	-2.249	-2.249	-2.249	-2.249

Aningaasartuutissat eqqarsaatigalugit kommunip sanaartugassatigut missingersuutaanut, Aningaa-sanut Inatsisisakkut illuliortiternermi aningaasaleeqataassutissat apeqqutaasorujussuussaapput. Massakkumut Aningaasanut Inatsisisatut siunnersuummi 2014-imut Nuup avataani sanaartukkanut annikitsuinnartigut aningaasaliissuteqarfifiniakkat takussaallutik. 2014-imut Aningaasanut Inatsisisatut siunnersuumut Qeqqata Kommuniani nutaanik sanaartornissanut isumaqtiginniartoqarpoq.

Kommunip 2014-imut 2015-imullu sanaartornermut missingersuusiaani, ukiunut taakkununnga marluusunut nunaqarfinni multihaaliliornissanut 3 mio. koruuninik immikkoorttsisoqareerpoq, Namminersorlutill Oqartussat sanaartornissamut aningaasaliissutissatik (50 %) akuersissutiginngilaat, taamatullu akileeqataanissaminnik nalunaaruteqaratik.

Konto	Sanaartugassatigut missingersuutit iluarsisat	2014	2015	2016	2017
75-52	Itillimi Sarfannguanilu multihaalit	- 3.000	- 3.000	3.000	3.000

Aningaasartuutissat eqqarsaatigalugit ilaqtariinnermut ataatsimiititaliap aningaasaqarnerata ataatsimut isiginninnissamik amigaateqartoqarpoq, 2013-imi 2014-imilu missingersuuteqarfiusumi ukiunilu missiliuteqarfiusuni ilassutitut aningaasaliiffigineqarnissamut arlalinnik qinnuteqaateqartoqarnissaa naatsorsuutigineqassaaq, pingaartumik Sisimiut immikkoortortaanit. Kommunip aningaasaqarnerata ataatsimut eqqortumik isigineqarnissaa pingaaruteqartuuvoq, suliassallu taakku isumagineqartariaqarput ajornartorsiitillu annertunerusumik immikkut misissorneqarnerisa nassuaatissartai nassiunneqarlutik.



Missingersuusiornermik isumasioqatigiinnermi kissaatigisarpaalussuit nutaat oqallisigineqarput, aallaavittulli aningasaqarnerup inissisimancerata 2014-imut kissaatigisat nutaat inissaqartippianganngilai, tassa matuma siuliini isertitatigut iluarsiissuteqarnerup kinguneranik karsimiittuutit 2014-imni 14,7 mio. koruuninik amigartoorteqassammata.

Ataatsimiititaliat eqimattakkaarnerminni utoqqarnut innarluutilinnullu pitsanngorsaanerit, pingaartumik inissaqartitsineq eqqarsaatigalugu pitsanngorsaanissaq pingaarnertut tulleriaiarippu. Inissiaqarnermut talittarfeqarnermullu pissutsit pillugit Namminersorlutik Oqartussanit nalunaaruteqartoqarnissa utaqqimaarneqarpoq. Tamatuma saniatigut kissaatit missingersuutinut ilaatinneqareersut tulleriaarneqarput, soorlu kalaalimineerniariit pitsanngorsarneqarnissaat, aaqqissuussaanerup pitsanngorsarneqarnissaat, suliffissaaleqinerup pingaarnerutinnissaa il.il. Atuilluartuunissamut suliniutit, Maniitsumi nipilersornermut ilinniarfik communalbestyrelsip inuuusuttaallu aamma tulleriaarinermi pingaarnerutinneqarput.

Kissaatit kingulliit pingasut taaneqartunut tullinnguuttutigut aningaasaliiffigineqarnissaat eqqarsaatigineqartariaqarpoq, tassa 8 mio. koruunit atuilluartuunissamut suliniutinut, Maniitsumi nipilersornermut ilinniarfimmik, sunngiffimmi illuutigisami pioreersumi/agersussami ingerlatsinermut ukiumut 1 mio. koruunit, kiisalu communalbestyrelsip inuuusuttaannut ukiumut 200.000 koruunit. Aningaasaliissutinut allanut atatillugu Namminersorlutik Oqartussanit nalunaarutigineqartussaq apeqqutaalluni, tulleriaarinerit taakku missingersuutit aappassaaneernissaannut ilanngunneqartariaqarput.

Aningaasaqarnikkut allaffissornikkullu kingunerisinnaasai

Kommunimi suliffissaaleqineq eqqarsaatigalugu ilaqtariinnermullu ataatsimiititaliap susassaqarfiiisa aqunniarnerisigut aningasaqarneq massakkut annertuumik nalorninartumiippoq. Taamaattorli ukiuni missiliuuteqarfiusuni aningasaqarnikkut inissaqartitsisoqarpoq, tassa sanaartugassatigut aningaasaliissutit annikinnerisigut, 2012-imilu akileraarutip qaffaallannerartigut.

Peqatigitillugulu ukiut kingulliit marlussuit piginneqatigiilluni inissiaatileqatigiiliornianit tapiiffigineqarnissamik qinnuteqartoqartarluni, ukiuni kingullerni tallimani taamaattoqartanngeriarluni, taamaattumik ukiuni missiliuuteqarfiusuni tamakkunuuna aningaasartuutissat iluarsiissutaasariaqarlutik.

Allaffeqarfiup naliliinera

Namminersorlutik Oqartussat illuatungaannarsiorlutik sanaartornermik Nuuk kisiat pingaartillugu isiginiarlugu politikkeqartillugu, peqatigitillugulu kommunit akornanni isertitatigut nikingasorujus-suarmik Kommuneqarfik Sermersooq-mut iluaquatasussamik agguataaritillugit, taamatullu aamma ukiuni kingulliunerusuni tapiissutitigut kommunit tamakkerlugit sipaarniarfigalugit, tamanna Qeq-qata Kommuniani sakkortuumik sipaarniarnissaq suli pisariaqarpoq. Namminersorlutik Oqartussat politikkiat, tassa kommunit aningaasameertungortinniarlugit ilungersunartorujussuuvvoq, kommunimi taakkuupput, inunnik kiffartuussinermik ingerlataqartut. Peqatigitillugulu aamma pingaaruteqarluni, kommunit pilersaarutinut annertoorujussuarnut soorlu alumiiniumik aatsiteriffiliassamut, uuliamik gassimillu misissuinissanut/qalluinissanut qaarusunillu ingerlatsiviliornissanut atatillugu kommunini pilersaarusrusiornermi peqataanissaminut nukissaqartinneqarnissaat.

Allaffeqarfiup ilanngullugu innersuuttiugissavaa, ukumi missingersuusiorfiusumi iliuusissanik nutaanik missingersuusioriaaseq saneqqullugu ikkussisoqassanngitsoq. Taamaaliorneq tulleriaarinernik kiputitsisinnaammat, tassa iliusissat nutaat peqatigitillugu tulleriaareqqinermik kinguneqartinneqanngippata.



Taamatuttaaq allaffeqarfiup innersuussutigaa, ukiup siulianisuulli tullinnguuttut ingerlateqqinne-qassasut:

- allaffissuarmi atorfinititsisarnerit unitsinnissaat, tamatumuunalu atorfift suli amerlanerusut sipaarutaasariaqassallutik, tassa sipaarutaareersut saniatigut
- najugaqvissut sulisorinerulernissaat, tassa sulisut sinerissamiit nunallu avataaniit taarseraanne-rujussuit akisuut pinaveersaarlugit
- ullumikkut sutigut tamatigut suliatigut sulisut ikilisarlugit
- atuarfinni klasseni atuartut amerlillugit, immikkut atuartitsinerit ikilisarlugit
- kommunip kiffartuussineri akiliuteqarfiusartut akitsorlugit

Tamatumalu qularnangitsumik kiffartuussinerup appariaateqarneranik kinguneqassaaq, kisianni soorunalimi kiffartuussinerit appariaateqarnissaat sapinngisamik ingalassimaarniarneqassaaq.

Allaffeqarfiup innersuussutigissavaa, nutaanik iliuuseqarnissat, soorlu atuilluartuunissamut suliniutinut, Maniitsumi nipilersornermut ilinniarfimmut kiisalu communalbestyrelsip inuuusuttaannut aningaasaliissut, utaqqimaartittariaqartut, tassa ataatsimoortumik kommunip aningaasaqarnikkut akileraarutitigut ataatsimoortumillu tapiissutitigut, taamatullu aamma oqaluuserisassani aalajangiussat malitsigisaannik aningaasartutuutissat qanoq inisisimancerata paasinarsinissaat utaqqimaarallarlugu.

Aningaasaqarnermut ataatsimiitaliami suliap suliarinera

Aningaasaqarnermut ataatsimiitaliap septembarip 18-ani 2013-imi ataatsimiinnermini suliaq suliarivaa.

Aningaasaqarnermut ataatsimiitaliami ilanngullugu aalajangiunneqarpoq, najugaqarfiit inoqqortussusii tunngavigalugit pisortatigut ikorsiissutit annertussusiisa nikinganeri misissuiffigineqassasut.

Sulisoqarneq pillugu mississusoqassasoq.

Innersuussut

2014-imut missingersuutissatut siunnersuutit pigineqartut aallaavigalugit, aningaasaqarnermut ataatsimiitaliap communalbestyrelsimit akuereqqullugu innersuussutigissavai,

1. ikuallaaveqarfinit kissamik tunisisarnerit iluarsiissutit aammalu ataatsimoortumik tapiissutit qitiusuniit nalunaarutit akuerineqassasut, missingersuutitigullu iluarsiissuteqarfiullutik
2. ukiuni missingersuuteqarfiusuni 2014-imi 2015-imilu multihaalinut 3.000.000 koruuninik immikkoortitsinerit kinguartinneqassasut, tassa Namminersorlutik Oqartussat akiliutissaminnik aningaasaliinissaasa tungaanut, taamaalillugit missiliuteqarfinnut 2016-imut 2017-imullu inissinneqarallarlutik.
3. 2014-imi akileraarutissap procentia 26-miitiinnarneqassasoq
4. sanaartugassanut allatigullu sanaartugassatigut attartorsinnaanissaq aaqqissuunneqassasosoq
5. aappassaaneerinissamut inuit akileraarutissaasigut nalimmassaanerillu qitiusuniit nalunaarutissat missingersuutitigut aningaasaqarnermut immikkoortortap iluarsiissuteqarfigissagai
6. missingersuutitigut isumasioqatigiinnermi politikkikkut tulleriaarinerit suleqatigiinniit salliutinneqartut tassaasut atuilluartuunissamut suliniutit, Maniitsumi nipilersornermik ilinniarfik, kiisalu communalbestyrelsip inuuusutai aappassaaneerinissamut aalajangiiffissatut saqqummiunneqassasut



Aalajangiineq

Allaffeqarfiup naliliinerani tulliuttunut erseqqissaatitut ilanngunneqassaaq, misissueeqqaarluni naliliisoqassasoq.

- allaffissuarmi atorfinititsisarnerit unitsinnissaat, tamatumuunalu atorfiit suli amerlanerusut sipaarutaasariaqassallutik, tassa sipaarutaareersut saniatigut
- atuarfinni klasseni atuartut amerlillugit, immikkut atuartitsinerit ikilisarlugit

Inuit Ataqatigiinniit misissugassatut kissaatigineqarpoq tulliuttut ilanngunneqarnissaat:

7-itut utoqqalinersiutini inunnut tapit aammalu siusinaartumik pensionisiassat

qaffanneqarsinnaanerat naatsorsorneqassasoq.

8-tut Ikuallaaviup ungalulerneqarsinnaanera.

9-tut atuartut minnerit tiimiisa annertusineqarnissaannut suleqatigiisitaliorqarnissaa misissorneqassasoq.

Innersuussutigineqartut akuersissutigineqarput.

Ilanngussat

1. 2014-imut missingersuutissatut siunnersuutit septembarip 13-ni 2013-imi pigineqartut
2. 2014-imut missingersuusiornermi ukiunullu missiliuiteqarfiusunut missingersuutitigut kissaatisat tulleriaarneri



Imm. 05 Isertitat pillugit isertitassatut immikkut aningaasaliissuteqarneq

Journalnr. 06.02.01

Tunuliaquaq

2013-imi ukiup affaani siullermi missingersuutinik malinnaatitsinermut, 2014-imullu missingersuusiornermut atatillugu isertitatigut allannguutit, matumani 2013-imi inuit akileraarutaatigut isertitassanut Akileraartarnermut Aqutsisoqarfip naatsorsuutigisaminik allannguisimasoq ilanngullugu paasineqarput.

Maleruagassatigut tunngavissat

Immikkut aningaasaliisarnerit kommunalbestyrelsip akisussaaffigaa.

Konto 8-mi isertitat, Aningaasaqarnermut ataatsimiititaliap akisussaaffigai.

Pissutsit atuuttut

Missingersuutitigut malinnaatitsinermut atatillugu allannguutit tullinnguuttut paasineqarput:

Konto 80-01-00-90-01-imi akileraarutitigut isertitat pillugit Akileraartarnermut Aqutsisoqarfip mailikkut 2012-imi decembarip 10-aneersutigut, allakkatigullu 2013-imi juunip 25-aneersutigut, Qeqqata Kommunianut ukiumut aningaasarsianit akileraarutinut naatsorsuutini allanngortippai. Akileraarutitigut allannguinerup kingunerisaanik siullermik 1,8 mio. koruuninik pitsangoriaraluarput, aappassaanili 2013-imi ukiup affaani siullermi aningaasarsianit akileraarutit qaffannerisa kingunerisaanik 6 mio. koruuninik pitsangoriarluni. Ataatsimut isigalugu akileraarutitigut isertitassat 292,5 mio. koruuninit 300,3 mio. koruuninit qaffallutik, 7,8 mio. koruuninik qaffannissaat naatsorsuutigineqarpoq.

Konto 83-imi akileraarutitigut nalimmassaaneq, ataatsimoortumillu tapiissutit pillugit Namminersorlutik Oqartussat Kanukoka-llu ataatsimoortumik tapiissutissat pillugit isumaqtiginninniarnitik 2012-imi kingusissukkut naammassivaat, kingornalu allannguutit aatsaat ukiortaalivilluinnartoq nalunaarutigalugit. Ataatsimut isiginnilluni 3,1 mio. koruuninik pitsangoriaateqarpoq.

Konto 83-01-00-82-00-imi akileraarutitigut nalimmassaaneq pillugu ilaatigut akileraarutitigut allannguineq pillugu missingersuutit 2,2 mio. koruuninik apparlugit iluarsineqassapput.

Konto 83-01-00-82-01-imi ataatsimoortumik tapiissutit pillugit ilaatigut pingartumik akitigut iluarsiissuteqarneq, allatigullu iluarsiissuteqarneq pillugit 5,3 mio. koruuninik qaffanneqassapput.

Konto 85-01-00-86-02-mi erniatigut isertitat pillugit erniat 1,8 mio. koruuninik missingersuusiarineqarput, taamaakkaluartorli ilaatigut kommunip karsimi uninngasuutai annertunngillat, ilaatigullu erniat appasisorujussuullutik, taamaattumillu erniatigut annertuumik isertitaqarnissat naatsorsuutigineqanngilaq. Taamaalilluni 1,8 mio. koruuninik immikkut aningaasaliissuteqarnissaq pisariaqarpoq.

Konto 86-01-10-71-01-imi isertitat allat pillugit Namminersorlutik Oqartussat oqaatigaat, talittarfimmut akiliutinik nunatta karsianut akilerneqartussanik kommuni pissarsisarnissaanut akerliuvoq. Taamaalilluni 4 mio. koruuninik immikkut aningaasaliissuteqarnissaq pisariaqarpoq.

Atuilluartuunissakkut kingunerisinnaasai

Oqaaseqaatissaqanngilaq.



**Kommunalbestyrelsip septembarip 26-ani 2013-imi ileqquusumik ataatsimiinnerata 06/2013-ip
imaqarniliornera**

Aningaasaqarnikkut allaffissornikkullu kingunerisinnaasai

Ataatsimut isiginnilluni kommunip 2013-imut missingersuutaanut kiisalu 2014-mut missingersuutinut ukiunullu missiliuteqarfiusunut tullinnguuttutut kinguneqassaaq:

Konto (1.000 kr.)	Taaguutaa	Missinger-suutit	Immikkut aningaasaliissutit	Aningaasa-liissutit
80-01-00-90-01	Ukioq manna inuit akileraarutaannit isertitat	- 292.474	- 7.800	- 300.274
83-01-00-82-00	Akileraarutitigut nalimmassaaneq	- 92.523	+ 2.240	- 90.283
83-01-00-82-01	Ataatsimut tapiissutit	- 206.435	- 5.330	- 211.765
85-01-00-86-02	Erniatigut isertitat	- 1.779	+ 1.779	0
86-01-10-71-01	Talittarfik	- 4.000	+ 4.000	0
Katillugit		- 597.211	- 5.111	- 602.322

Erseqqissaatigineqassaaq, kommunip aningaasaqarneranik systemimi isertitat minusimik nalunaarsorneqartarmata, taamaallunilu ataatsimut isigalugu isertitat 5.111.000 koruuninik qaffannissaat pineqarluni.

Allaffeqarfiup naliliinera

Allaffeqarfiup nalilerpaa, missingersuutit eqqortut pigineqalissappata, siuliani taaneqartutut nuutsinissat, immikkullu aningaasaliissuteqarnissat pinngitsoorneqarsinnaanngitsut. Allaffeqarfiup erseqqissaatigissavaa, Ilaqutariinnermut tunngasuniit immikkut aningaasaliissutissanik qinnuteqaatinik aamma takkuttoqartussaammata, taamaallunilu 5,1 mio. koruuninik pitsangoriaatissaq annertunerusumik aningaasaateqalernissamik kinguneqartussaassanngilaq.

Aningaasaqarnermut ataatsimiitaliami suliap suliarinera

Aningaasaqarnermut ataatsimiitaliaq septembarip 18-ani 2013-imi ataatsimiinnermini suliaq suliarivaa.

Innersuussut

Aningaasaqarnermut ataatsimiitaliaq Kommunalbestyrelsimit inaarutaasumik akuerineqartussanngorlugu innersuussutigaa

Siuliani eqitsit naapertorlugu 2013-imut missingersuutinut kiisalu 2014-imut missingersuutinut ukiunullu missiliuteqarfiusunut ataatsimut 5.111.000 koruuninik isertitassanut immikkut aningaasaliissuteqartoqassasoq

Aalajangiineq

Innersuussutigineqartoq akuersissutigineqarpoq.

Ilanngussaq

1. Konto 8-mi – isertitat – 2013-imi aggustip naanerani oqimaaqtigiissitsinerup assilinera



**Imm. 06 Utoqqaat Angerlarsimaffiani allafinnik paarlaassinissamut immikkut
aningesaliissutissanik qinnuteqaat**

Tunuliaqt

Piffissami kingullermi utoqqaat immikkut paarneqarnissamik pisariaqartitsisut amerliartorsimapput, matumani pineqarput peqqissutsikkut annertuumik eqqugaasimasut, namminneerlutilu tamanna pillugu imminnut ikiorsinnaajunnaarsimasut. Matumani ingammik pineqarput utoqqaat puigortunngorermik nappaateqalersimasut, tamatumallu sukkasuumik siuariartorneratigut peqqissutsimikkut annertuumik piffissap sivikitsup iluani eqqorneqarsimasut. Tamatumalu saniatigut utoqqaat peqqinissaqarfiusut ataani immikkut paaqqutarineqartussanngorlugit inissinneqartartut amerliartorput.

Tamanna pissutigalugu utoqqarnut sullissivik, angerlarsimaffimmi ikiorteqartitsivik kiisalu Utoqqaat Angerlarsimaffiat suleqatigiillutik angerlarsimaffimmi ikiorteqartitsiviup utoqqaallu angerlarsimaffiata allaffiisa paarlaassineq atorlugu nuunneqarnissaannik siunnersummik suliaqarsimapput, siunertalarugu Utoqqaat Angerlarsimaffiani init marluk najugaqartunut inissianngorteqqinnejqarnissaannik suliniuteqarnissaq. Utoqqaat Angerlarsimaffiani init marluk pilersinnejqarsinnaagunik, taava kommuni peqqinissaqarfimmi paaqqutarineqartussanngorlugit inissiinermut sipaaruteqarsinnaalissalluni. Siunnersuillu makkunangga imaqarput:

- Angerlarsimaffimmi ikiorteqartitsiviup allaffiata Niviarsiani utoqqaat sapinnginnerusut inissiaasa fiistertarfikumut nuunneqarnissa
- Utoqqaat Angerlarsimaffiata allaffiisa utoqqaat illuata kiilerianut nuunneqarnissa
- Utoqqaat Angerlarsimaffiani sulliveeqqap maannakkut allaffiusunut nuunneqarnissaanik siunnersuut
- Utoqqaat Angerlarsimaffiani init najugaqarfiusinnaasut marlunnik ilaneqarnissaat, tassungalu tunngatillugu utoqqaat angerlarsimaffiani sulisut amerlineqarnissaannik siunnersuut

Pissutsit atuuttut

Utoqqaat Angerlarsimaffiat 32-nut najugaqarfissiaavoq ataatsimillu qasuersaartarfekarpooq. Maannakkut ininik inoqanngitsoqanngilaq, init tamarmik inoqarmata. Atuagaasivitoqqamili utaqqiisaasumik immikkut pisariaqartitsisunut qasuersaartarfimmik pilersitsisoqarsimavoq marlunnik siniffilimmik.

Utoqqaat Angerlarsimaffiat inissanik 9-nik allilerneqartussaavoq, naammassineqarnissaalu naatsorsuutigineqarpoq 2015-mi piariissasoq.

Ulloq 1. juni 2013 utoqqaat pingasut immikkut paaqqineqarnissamik pisariaqartitsisut peqqissaavimmi uninngasuutigineqarput.

Ulloq 1. maj 2013 utoqqaat 30-it Utoqqaat Angerlarsimaffianut utaqqisutut allatsissimapput, taakkunannga utoqqaat qulingiluat annertuumik immikkut paaqqineqarnissamik pisariaqartitsisuullutik. Utoqqaat 74-it utoqqaat sapinnginnerusut inissiaannut utaqqisutut allatsissimapput, taakkualu saniatigut utoqqaat 16-it illoqarfinnit allaneersut Sisimiunut nuukkusullutik qinnuteqarsimapput, tamarmillu utoqqaat sapinnginnerusut inissiaannut utaqqisutut allatsissimapput.

Ulloq 1. juli 2013-p missaani utoqqaat sapinnginnerusut inissiaat nutaat 12-it Niviarsiani sanaartorneqartut maani Sisimiuni, naammassineqassapput naatsorsuutigineqarporlu utoqqaat imminnut ikorsinnaarpianngitsut tassani najugaqartinneqassasut.



**Kommunalbestyrelsip septembarip 26-aní 2013-imi ileqqusumik ataatsimiünnerata 06/2013-ip
imaqarniliornera**

Ullumikkut utoqqarnut sulliveeqqami Utoqqaat Angerlarsimaffianiittumi atuisut 15 – 20-it missaaniipput.

Utoqqaat Peqatigiiffiat qaammammut sisamararluni Katersortarfimmi utoqqarnik naapeqatigiisitsisarpoq, atuisullu assiginngitsunik sammisaqartinneqartarput. Tassungalu takkuttarput utoqqaat 60 – 70 missaani.

Kalaallit nunaata naatsorsueqqissaartarfiani utoqqaat 65-niit qummut ukiullit Sisimiut illoqarfiani siunissami aggersumi amerliartornissaannut takorluugaa imaappoq:

Ukiut	2013	2020	2024
65-69	162	211	251
70-74	125	148	171
75-79	84	100	110
80-84	30	36	38
85-89	7	6	9
90-94	2	2	1
95+	0	0	0
Katillugit	410	503	580

Ukiut	2013	2020	2024
65-79	371	459	532
80 +	39	44	48
Katillugit	410	503	580

Qulaani taaneqareersutut Sisimiut illoqarfiani Utoqqaat Angerlarsimaffiata ukioq 2013 inissanik pisariaqartitsinera kisitsisinngorlugu imaappoq:

Amerlassutsit	Suunera
32	Utoqqaat Angerlarsimaffiani inissat
1	Qasuersaartarfik
2	Pisariaqarluinnartumik gasuersaartarfik
3	Peqqinnissaqarfimmi uninngasut
9	Piaartumik UA-mi inissanik utaqqisut
47	Inissat

Utoqqaat 65-niik qummut ukiullit amerlassusaannut sanilliullugu ukioq 2013-mi inissanik pisariaqartitsisut 410-usunit 47-nik amerlassuseqarput, procentinngorlugu 11,5%. Isumaqarnarporlu ukiuni tulliuttuni 25-ni inissamik pisariaqartitsineq taamaaginnassasoq, tassa pisariaqartitsiuartoqassaaq, ukiullu taakkua ingerlanerani inissanik pisariaqartitsineq ima annertusisimassaaq:

Ukiut	2013	2020	2024
65+	410	503	580
Inissat pisariaqartitat	47	58	67
Amerleriaatsit	17	26	35

Sisimiuni inuit amerliartornerinut takussutissiaq Kalaallit nunaanni naatsorsueqqissaartarfimmi suliarineqarpoq ukioq 2024-ip tungaanut. Nuna tamakkerlugu inuttaasut amerliartorneri pillugu kisitsisit takussutissiarineqartut tunngavigalugit naatsorsuutigineqartariaqarpoq, Sisimiuni utoqqaat ukioq 2035 tikillugu amerliartussasut, tamatumali kingorna amerliartorneq unikaallassaaq.



Inuttaasut amerliartornerinut takussutissaq malillugu, Utoqqaat Angerlarsimaffiani ukioq 2024-mi inissanik 67-nik pisariaqartitsissaaq. Ukiorlu 2013-mi inissat 32-it eqqarsaatigalugit, ukioq 2024-ip tungaanut inissat nutaat 35-it pisariaqartinneqassapput.

Maannakkorpiaq piorsaanissamut pilersaarutit ukuupput:

Pileraarut	2013	2015	Katillugit
Angerlarsimaffimmi ikiorteqartitsiviup nuunneratigut	2		2
Utoqqaat Angerlarsimaffiata allilerneqarnissaa		9	9
Inissat nutaat	2	9	11

Tamatumap kingorna imaalerpoq, inissat 24-it suli pisariaqartinneqarnerat tamannalu pissutigalugu nutaamik ulloq unnuarlu utoqqarnut paaqqinniffimmik 25-nik inissalimmik sanasoqartariaqarluni.

Ulloq 1. maj 2013 utoqqaat amerlassusaannik maannakkut siunissamilu naatsorsuineq tunngavigalugu, Sisimiuni ullumikkut utoqqaat 396-it najugaqarput nunaqarfiiit ilangullugit, taakkuningga sisamat 90-it sinnerlugit ukioqarput, pingasullu piffissami aggersumi 90-nik ukioqalissapput. Naatsorsueqqissaarnermi kisitsisit tunngavigalugit, ukioq 2013-mi Sisimiuni utoqqaat 80-niik 84-it tungaanut ukiullit 30-upput, arfineq marlullu 85-niik 89-it tikillugit ukioqarlutik. Naatsorsueqqissaarnerup takutippaa, utoqqaat ukioqqortuut amerligaluttuinnartut. Aammalu naatsorsueqqissaanermi suliat takutippaa Sisimiuni ukioq 2013-mi utoqqaat 428-nut amerliumaartut, matumani 65-niik qummut ukiullit eqqarsaatigalugit, 2020-milu utoqqaat 503-nngorsimassapput.

Tassalu ukioq 2020-mi utoqqaat 100-nik ikinnerunngitsunik amerleriassapput, tassa ukiut arfinillit affarlu qaangiuppata.

Naatsorsueqqissaarneq innuttaasut nikerarnerinut periutsit atorlugit suliarineqarpoq, ilaatigut toqukkut qimaguttut pillugit paassisutissat atornerisigut, aammalu suaassutsikkut amerlassutsit kiisalu utoqqalinermut nuttarnermi nuuttut aallartullu tunngavigalugit.

Maleruagassatigut tunngavissaq

Inatsisartut ulloq unnuarlu utoqqarnut paaqqinniffiit pillugit Peqqussutaa nr. 11, oktoberip 30.-ani 1998-meersoq il.il. matumani §5: *Kommunalbestyrelsip qułakkeersimassavaa utoqqarnut ulloq unnuarlu inissiani najugaqarfissiat pisariaqartitsineq naapertorlugu inissaqartitsiniassasoq.*

Aningaasaqarnikkut kingunerisassai

Ilisimaneqartutut Utoqqaat Angerlarsimaffiat allilerneqassaaq ukioq 2013-mi, matumani siunertalarugu init qulaaluanik amerlineqarnissaat, naammassineqarnissaalu naatsorsuutigineqarpoq ukioq 2015-mi pissasoq. Tamanna sulissutigineqarsimavoq utoqqarpassuit nammineq angerlarsimaffigisaminni imminnut ikiorlutik najugaqarsinnaanngitsut amerliartornerat, ilaatigut ukioqqortussuseq, inooriaaseq, nappaatit soorlu qaratsakkut aanaartoernerit aammalu imigassamik atornerluinerup kinguneranik puigortunngorermik nappaateqalernissamik ulorianartorsiortut matumani pineqarput. Aammalu utoqqaat kisimiittut amerliartorput, angerlarsimaffiminni iluamik annertoqqutissaqanngitsutut nalilerneqarsinnaasut imaluunniit ilaquaqarpianniengitsuuusut. Ukiuni kingullerni utoqqarnut sullissiviit ataatsimoorlutik qanoq iliuuseqarniartarsimapput, pissutigalugu utoqqaat angerlarsimaffianut utaqqisut amerligaluttuinnarmata, tamannalu



iliuuseqarfisariaqarmat, suliniutillu Utoqqaat Angerlarsimaffiani init pioreesut atornerisigut misissorneqartarsimapput, aammalu atorneqalersimapput, soorlu atuagaateqarfikup qasuersaartarfittut atorneqalersinneratigut. Taamaakkaluartorli pisariaqartitsineq tamakkiisumik matuneqarsinnaanngilaq, matumani aamma suli allanik utoqqaqarmat qasuersaartinneqarnissamik pisariaqartitsisunik.

Ullumikkut utoqqaat arfineq pingasut qulaalualluunniit ulloq unnuarlu paarineqarnissamik pisariaqartitsipput, taakkununnga pingasut maannakkut peqqinnissaqarfimmi uninngasuutigineqarlutik. Taakkununnga akiliut ullumikkut akiutinneqartut tunngavigalugit, ullormut inummut ataatsimut peqqinnissaqarfimmi immikkut paaqqineqarlutik uninngasunut akeqarpoq 4.095 kr. Taamaalillunilu inuit pingasut ullormut katillugu akiliuteqartinneqarput kr. 12.285, qaammatinngoraanni kr. 368.550 imaluunniit ukiumut 4.422.600 kr., kisianni ukioq 2013-mi aningaasat taakkununnga akiliutigineqartussat taamaallaat 100.000 kr. immikkoortinneqarsimapput.

Utoqqaat Angerlarsimaffiani inissanik ajornartorsiuteqarnerup maannakkut qanoq iliuuseqarnikkut ikiorsiivigineqarnissaa pisariaqarpoq, inillu periarfissamik neriuanaateqartitsisut atorluarneqartariaqarput, taamaattumik tamanna pillugu utoqqarnut sullissiviit ajornartorsiutinik taakkualu qanoq iliuuseqarfingineqarsinnaanerinut suliniutinik qanorlu aningaasatigut naleqarnissaat ilanngullugu suliniuteqarput, tamannalu pillugu taakkununnga imatut nassuaasersorlugit oqaaseqaateqarusupput:

Angerlarsimaffimmi ikiorteqartitsiviup allaffia utoqqaat sapinnginnerusut inissiaanni Niviarsianiittumi fiistertarfikumut nuunneqaraluarpat, Utoqqaat Angerlarsimaffiata allaffiisa taamaalillutik allaffikumut takanunga nuukkaluarpat, najugaqartunut inissat minnerpaamik marluk pilersinneqarsinnaalissangaluarput. Inini najugaqartfittut pilersinneqqaqqittussani imermut aqquqareerpoq aammalu kuuffit aqquqareerlutik, taakkualu init pilersinneqarnerinut naatsorsuutigineqarsinnaapput. Init marluk pilersinnerisigut aningaasartutuutissat 500.000 kr. missaaniinnissaat naatsorsuutigineqarpoq. Taakkua saniatigut najugaqartut amerlinerisa kinguneranik sulisut pingasunik amerlineqartariaqarput, inillu septemberip aallaqqaataata missaani ukioq 2013 atorneqalernissaminut piareerpata, sulisut amerlinerisigut aningaasartutuutissat aningaasaliissutit iluanneereersut eqqorneqassapput, taamaalilluni utoqqaat angerlarsimaffiat ukiup sinneranut aningaasanik 214.000 kr.-nik sulisunut atugassanik pisariaqartitsilissalluni. Aningaasat pisariaqartimeqartut ukiumut naatsorsuineq atorlugu annertussuseqarput kr. 642.000. Sulisut amerlineqarnissaannut aningaasartutuutissat saniatigut Utoqqaat Angerlarsimaffiat siniffinnik nutaanik marlunnik pisariaqartitsilertussaavoq, taakkualu saniatigut aningaasaliissutaareersut allat aamma eqqorneqartussaapput taamatut amerliliinerup kinguneranik.

Angerlarsimaffimmi ikiorteqartitsivik fiistertarfikumut nuukkuni, suliffeqarfinnut attartornermi malittarisassat tunngavigalugit akiliuteqartitsisoqassaaq, tamannalu inissianik nalinginnaasumik attartornermi akiliutinut naleqqiullugu annertuneruvoq. Qanorli annertussusiliinissaq suli ilisimaneqanngilaq, kisianni attartortitsinermi akiliutaasartut atuuttut tunngavigalugit aammalu suliaq pillugu INI-mik ataatsimeeqateqarnermi paasisat tunngavigalugit, naatsorsuutigineqarpoq ukiumut 140.000 kr. missaani attartorneq akeqassasoq.

Ukioq 2013-mut aningaasaliissutit misissornerini, matumani utoqqarnut sullissiviit aammalu ilaqtariinnermut sullisivik ataatsimut tamaat isigalugu, pisariaqarpoq oqaatigissallugu nutaatut aningaasartutuutissat utoqqarnut sullissiviit iluannit aningaasaliiffingineqarsinnaanngimmata, matumani aningaasaliissutaareersunik nuussinikku imaluunniit aningaasaliissutaareersunik ileqqaruteqarnikkut, tamannalu pissutigalugu aningaasaliissutissat immikkut aningaasaleeqqitto-garneratigut pissarsiarineqartariaqarput.



**Kommunalbestyrelsip septembarip 26-ani 2013-imi ileqqusumik ataatsimiinnerata 06/2013-ip
imaqarniliornera**

Matumani aamma eqqaasitsissutigisariaqarpoq qulaani suliniutigineqartoq akuerineqassappat, tamanna peqqinnissaqarfimmut ukioq manna akiliutaasussaagaluit eqqarsaatigalugit annertuumik taakkununnga sunniuteqartussaammat, taamaalillunilu aningaasarpassuarnik ileqqaartoqassagaluarpooq.

Immikkut aningaasaliissutissanut siunnersuut:

Konto	Suunera	Aningaasa-liissutit	Atugassatut ilimagisat	Pisariaqartitat 2013	Pisariaqartitat 2014
470210	AngerlarsimaffimmIkiorteqartitsivik				
4702102501	Ininik attartorneq	0	70	70	140
Katinnerat		0	70	70	140
470910	Utoqqaat Angerlarsimaffiat				
4709100111	Akissarsiat, tiimer-musialinnut	6.158	6.372	214	642
4709101505	Atisat	38	40	2	6
4709101602	Nerisaqarneq	859	888	29	87
4709102099	Pequitit nutaat	167	193	26	0
4709102201	Aserfallattaaliineq Illu, inillu	213	713	500	0
Katinnerat		7.435	8.206	771	735
Tamaasa katillugit				841	875

Qullersaqarfiup oqaaseqaatai

Illassutitut aningaasaliissut akuersissutigineqassasoq innersuussutigineqarpoq. Utoqqaat Angerlarsimaffiata allilerneqarnissaanut suliariumannittussarsiuussinerut atorunnaarsinneqarnerata, kiisalu inissaaleqineq patsisaalluni utoqqaat Peqqinnissaqarfimmi unitsinneqartarnerisa amerliartornerat patsisaalluni, siunissami inissanik amerlanerusunik pisariaqartitsineq annertunerulissaq.

Allilerinissamut kontomit aningaasanik tigusineq periarfissaq allaasinnaavoq.

Allaffeqarfiup naliliinera

Allaffeqarfimmiit nalilerneqarpoq Utoqqaat Angerlarsimaffiani ininik marlunnik immikkut pilersitsisoqarpat, tamanna annertoorujussuarmik oqimaatsorsiornermut iluaqtaassasoq, aammalu utoqqarnik immikkut paaqqineqarnissamik pisariaqartitsisunik utaqqineq taamaasilluni sivikillisinneqassaaq, tassami allatut ajornartumik tamakkua peqqinnissaqarfimmut inissittariaqartarnerat allanik periarfissaqannginneq pissutigalugu unitsinneqartarmata.

Sisimiuni peqqinnissaqarfimmi uninngasuuteqarnermut akiliutissat aningaasaliissutinut inissinneqarsimasut kr. 100.000-nik annertussuseqarput. Maannakkut peqqinnissaqarfimmi uninngasuutigineqarput pingasuurput, ullormut akiliutigineqartarluni kr. 4.095,00 tamannalu taamatut ingerlaannassappat augustip 31-ata 2013 tungaanut akiliutit kr. 1.850.940-nik annertussuseqarnissaat naatsorsuutigineqarpoq, tamannalu pissutigalugu kr. 1.750.940-nik ilassutitut aningaasaliisoqartariaqassaaq.

Utoqqaat Angerlarsimaffiani immikkut ininik marlunnik pilersitsinerup kingunerisaanik, tassunga aningaasartuutaasussat matumani sulisut amerlinissaat ilanngullugu naatsorsuusiarineqarput. Aningaasartuutissat katillugit kr. 841.000-nik annertussuseqassapput.



Ukiup naaneranut utoqqaat pingasut peqqinnissaqarfimmiitinnerine, aningaasartutuissat annertussuseqassapput kr. 3.349.710, Utoqqaalli Angerlarsimaffianut kingusinnerpaamik 1. september 2013 nuunneqarpata, taava aningaasartutuissat kr. 1.498.770-nik minnerulissapput. Ininik marlunnik pilersitsinissamut aningaasartutaasussat ilanngaatigineqarpata, taava aningaasat ileqquarutigineqarsinnaasut kr. 657.770-nik annertussuseqassapput. Allaffeqarfimmiit siunnersuutigineqarpoq aningaasartutuissat immikkut 2013-mi kr. 841.000-nik aningaasaleeqqinnikkut pissarsiarineqassasut, 2014-milu tamatumalu kingorna 875.000 kr.-nik annertussuseqartut aningaasaleeqqinnikkut qinnutigineqassasut. Kingusinnerusukkut peqqinnissaqarfimmiittutigineqartunut akiliutissat eqqarsaatigalugit immikkut aningaasaliinikkut akilerneqarnissaat pillugu qinnuteqaammik suliaqartoqarumaarpoq, taakkualu kr. 1.850.940,00 annertussuseqarnissaat naatsorsuutigineqarpoq.

Allaffeqarfiup innersuussutaa

2013-imi ilassutitut aningaasaliissutuissat 841.000 koruunit aammalu 2014-imi ilassutitut aningaasaliissutit 875.000 koruunit akuersissutigineqassasut, nuunnissallu aallartinneqassasut. Utoqqaat Angerlarsimaffiata allilerneqarnissaanut kontomit aningaasat tiguneqarsinnaanersut misissorneqassasoq

Suliaq Aningaasaqarnermut ataatsimiititaliamut suliassanngorlugu ingerlateqqinnejqassasoq

Ilaqtariinnermut ataatsimiititaliami suliap suliarinera

Ilaqtariinnermut ataatsimiititaliap aggustip 21-ani 2013-imi ataatsimiinnerani innersuussut akuersissutigineqarpoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septembarip 18-ani 2013-imi ataatsimiinnermini suliaq suliarivaa.

Innersuussut

Kommunalbestyrelsimit innersuussutigineqassaaq

2013-imi ilassutitut aningaasaliissutuissat 841.000 koruunit aammalu 2014-imi ilassutitut aningaasaliissutit 875.000 koruunit akuersissutigineqassasut, nuunnissallu aallartinneqassasut.

Utoqqaat Angerlarsimaffiata allilerneqarnissaanut kontomit aningaasat tiguneqarsinnaanersut misissorneqassasoq

Aalajangiineq

Innersuussutigineqartut akuersissutigineqarput.

Ilanngussaq

Ilanngussaqanngilaq



**Imm. 07 Ataatsimoorussamik Atammik/Napasoq nunaqarfinni aqutsisuniit
sulinngiffeqarnissamik Elias Dahlip qinnuteqaataa**

Journalnr.01.01.03

Tunuliaquaq

Nunaqarfimmi aqutsisuni ilaasortap Elias Dahlip, suliffimmini ulappinneq ilaqtariinnermullu tunngasut pissutigalugit ataatsimoorussamik Atammik/Napasoq nunaqarfinni aqutsisuniit sulinngiffeqarnissamik qinnuteqaat septembarip 17-ani 2013-imi e-malikkut nassiuppa. Qaammatit pingasut sulinngiffeqarnissaq qinnutigineqarpoq.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi

§ 15. Ilaasortaq kommunalbestyrelsip ataatsimiinnissaani napparsimanini, naartunini, erninini, meeravissiartaarnini, inuiaqatigianni sullisisussaatitaalluni pisussaaffligaanini, inuutissarsiutini assigaalluunniit pissutigalugit ataatsimeeqataasinnaajunnaarpal ilaasortap pisinnaanngitsup qinigaaqatigisimasaasa, aamma kisimiillutik qinigassannortissimasut, piumasarisinnaavaat sinniisussap ataatsimiigiaqquneqarnissaa. Inissitserfiusumik ataatsimiinnermi, imaluunniit aningaasartuutissanut missingersuutit aappassaaneerneqarnerannut atatillugu, sinniisussap ataatsimiigiaqquneqarnissaa piumasarineqarsinnaavoq allamik peqquteqarluni ilaasortaq ataatsimeeqataasinnaanngippat. Qinigassannorteqatigianni ilaasortamik qinikkamik ataatsimiigiaqqusinissamik piumasaqaateqartoqarsinnaanngippat sinniisussap nammineq piumasaqaatigisinnaavaa ataatsimiigiaqquneqarnissani.

Imm. 2. Ilaasortaq imm. 1-imi taagorneqartuni patsiseqarluni piffissami qaammatinik marlunnik sivisunerusumik anisariaqaleruni taava borgmesterimut allakkatigut taamatut iliorniarluni nalunaaruteqassaaq. Borgmesterip sinniisussaqaq kommunalbestyrelsip ataatsimiinnissaanut tulliuttumut siullermut ataatsimiigiaqqussavaa.

Imm. 3. Kommunalbestyrelsip aalajangissavaa ilaasortap anigallarnissaanut aammalu sinniisussap isernissaanut piumasaqaataasut eqqortinnejarnersut.

Imm. 4. Ilaasortap kommunimi pisussaaffini suliareqqissinnaalerpagit sinniisussaqaq kommunalbestyrelsimit tunuassaaq.

Imm. 5. Borgmesterip imaluunniit borgmesterip tulliata sinniisussaa imm. 2-mi maleruagassat naapertorlugit isertinneqarpat, pineqartullu pisinnaanngikkallarnera sivikinnerpaamik qaammatinik sisamanik sivisussuseqarpat § 6-imi maleruagassat malillugit kommunalbestyrelsip toqqassavaa borgmesteritut imaluunniit borgmesterip tulliatut isumagisassanik isumaginnittussaqaq.

Aqutsisuni ilaasortanut inatsit aamma atuuppoq.

Pissutsit atuuttut

Ataatsimoorussamik Atammik/Napasoq nunaqarfinni aqutsisut tallimanik ilaasortaqpaoq, Atassut aamma Inuit Ataqatigiit tamarmik ataatsimik ilaasortaatitaqarput Siumullu pingasunik. Sinniisussat allattorsimaffiat naapertorlugu marluk Siumup sinniisussaatut nalunaarsugaapput, siulleq massakkut ilaasortaavoq decembarp 9-ata 2013-ip tungaanut.

Elias Dahlip sulinngiffeqarnerani Siumumi sinniisussat aappaat Gerth Poulsen ilaasortanngussaaq. Kommunit aqunneqarnerat pillugu Inatsisartut inatsisaanni § 51, mm. 3 malillugu inissitsiternermi siulittaasussamik qinersisoqassaaq. Tippu-Bolethe Jakobsenip sulinngiffeqarnerani Elias Dahl siulittaasutut toqqarneqarmat, decembarip 9-ata 2013-ip tungaanut aqutsisut akunnerminni siulittaasussamik qinerseqqissapput.



Innersuussut

Kommunalbestyrelsimut innersuussutigineqassaaq,

- 1) Elias Dahlip ataatsimoorussamik Atammik/Napasoq nunaqarfinni aqutsisunit sulinngiffeqarnissamik qinnuteqaataa, oktoberip aallaqqaataaniit decembarip naaneranut 2013-mut akuersissutigineqassasoq.
- 2) Elias Dahlip sulinngiffeqarnerani Gerth Poulsen ataatsimoorussamik Atammik/Napasoq nunaqarfinni aqutsisuni decembarip 9-ata 2013-ip tungaanut ilaasortanngussasoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Elias Dahlip septembarip 17-ani 2013-imi allagaa.
2. Ataatsimoorussamik Atammik/Napasoq nunaqarfinni aqutsisussatut sinniisussat allattorsimaffiat.



Imm. 08 Ilaqtariinnermut ataatsimiititaliami ilaasortatut tunuarniarluni qinnuteqaat

Journalnr. 01.02.03

Tunuliaquaq

Kommunalbestyrelsimi ilaasortap Jakob Olsenip, suliffittaamini ulappinneq pissutigalugu Ilaqtariinnermut ataatsimiititaliami ilaasortatut tunuarniarluni qinnuteqaat aggustip 16-ani 2013-imi e-malikkut nassiuppaq.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

§ 37. Pifissap qinigaaffiup ingerlanerani ataatsimiititaliami taamaaqataaniluunniit ilaasortaqtunuarpat kommunalbestyrelsimalu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunannga inuttalerneqassaaq.

Pissutsit atuuttut

Maajip aallaqqaataani 2013-imi kommunalbestyrelsip inissitsiterluni ataatsimiinnerani taaseqatigiittarnissamik isumaqatigiissuteqartunit Siumumit Atassummillu, inissaq inueruttoq inuttalerneqassaaq.

Innersuussut

Kommunalbestyrelsimit innersuussutigineqassaq

Ilaqtariinnermut ataatsimiititaliami ilaasortatut tunuarniarluni Jakob Olsenip qinnuteqaataa akuersissutigineqassasoq

Taaseqatigiittarnissamik isumaqatigiissuteqartut Siumut Atassullu Ilaqtariinnermut ataatsimiititaliami ilaasortassamik nutaamik toqqaassasut.

Aalajangiineq

Innersuussutigineqartoq akuersissutigineqarpoq.

Gedion Lyberth toqarneqarpoq.

Ilanngussaq

Ilanngussaqanngilaq



Imm. 09 Teknikkимut Avatangiisinullu ataatsimiititaliami ilaasortatut tunuarniarluni qinnuteqaat

Journalnr. 01.02.03

Tunuliaquaq

Kommunalbestyrelsimi ilaasortap Hans Frederik Olsenip, Teknikkимut Avatangiisinullu immikkoortortap ataani sulisitsisutut atorfininnini pissutigalugu Teknikkимut Avatangiisinullu ataatsimiititaliami ilaasortatut tunuarniarluni qinnuteqaat septembarip 12-ani 2013-imi e-malikkut nassiuppa.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

§ 27. Ataatsimiititaliat siulittaasussatik namminneq qinertassavaat.

§ 37. Piffissap qinigaaffiup ingerlanerani ataatsimiititaliami taamaaqataaniluunniit ilaasortaq tunuarpat kommunalbestyrelsimalu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunannga inuttalerneqassaaq.

§ 39. Imm. 2. Ataatsimiititaliamti ataavartumi ilaasortaaneq ajornarpoq:

- 1) ataatsimiititaliamut ataavartumut ingerlatsivimmi pineqartumi akisussaasutut aqutsisuusumut taakkualu tullersortaannut, aamma
- 2) allatut allaffissornikkut akisussaaffittaqartumik ingerlatsivimmi aqutsisuusunut, ataatsimiititaliap ataavartup ataaniittumi.

Pissutsit atuuttut

Maajip aallaqqaataani 2013-imi kommunalbestyrelsip inissitsiterluni ataatsimiinnerani taaseqatigiittarnissamik isumaqatigiissuteqartunit Siumumit Atassummillu, inissaq inueruttoq inuttalerneqassaaq.

Innersuussut

Kommunalbestyrelsimit innersuussutigineqassaq

Teknikkимut Avatangiisinullu ataatsimiititaliami ilaasortatut tunuarniarluni Hans Frederik Olsenip qinnuteqaataa akuersissutigineqassasоq

Taaseqatigiittarnissamik isumaqatigiissuteqartut Siumut Atassullu Teknikkимut Avatangiisinullu ataatsimiititaliami ilaasortassamik nutaamik toqqaassasut.

Aalajangiineq

Innersuussutigineqartoq akuersissutigineqarpoq.

Marius Olsen toqqarneqarpoq.

Ilanngussaq

Ilanngussaqanngilaq



**Imm. 10 Oqaluuserisassatut siunnersut – Tarnimikkut eqqarsartaatsimikkullu nappaatillit
innarluutillillu qassiunerinik misissuinissaq**

Journalnr.

Tunuliaquaq

Kommunalbestyrelsimi ilaasortap Agathe Fontainip, tarnimikkut eqqarsataatsimikkullu nappaatillit innarluutillillu qassiunerinik misissuinissamut siunnersuut kommunalbestyrelsimi oqaluuserisassatut aggustip 18-aní 2013-imí e-malikkut nassiuppa.

Agathe Fontainip siunnersuutigaa inuit pineqartut qasserpiaanersut, qassiniq ukioqarnersut, ullumikkullu qanoq inuuneqarnersut misissuiffigineqassasut. Misissuinerullu kingunerissagaa, ullukkut ornitakkamik pilersitsisoqassasoq, pineqartut inuunerat inuttaannut tulluartumik susassaqarluarnissaat siunertaralugu immersueqataassinaasumik.

Innersuussut

Kommunalbestyrelsimit akureeqqullugu innersuussutigineqassaaq,

siunnersuutip oqallisigineqareerneratigut Ilaqtariinnermut ataatsimiititaliamut suliassanngorlugu ingerlateqqinnejassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Agathe Fontainip aggustip 18-aní 2013-imí allagaa



**Imm. 11 Oqaluuserisassatut siunnersuut – Qimatulivimmi kalaalimernit atorluarnissaat
akikillineqarnissaallu**

Journalnr.

Tunuliaquaq

Kommunalbestyrelsimi ilaasortap Marius Olsenip, Qimatulivimmi kalaalimernit atorluarnissaat akikillineqarnissaallu pillugit siunnersuut kommunalbestyrelsimi oqaluuserisassatut septembarip 3-ani 2013-imi e-malikkut nassiuppa.

Siunnersuummut tunngavilersuutigineqarpoq meeqqueriviit igaffiisa sipaarutaanerisa kinguneranik aalisartut Qimatuliviullu kaaviaartitaat annertuumik annikilleriarsimanerat.

Marius Olsenip siunnersuutigaa Qimatulivimmi pisiassat akii 20 %-imik appartinneqarnissaat, piniartunut akit allanngoratit. Isumaqarpoq akit appartinneqartut 20 %-imik amerlanerulissasut, taamalillunilu Qimatulivimmi kaaviaartitat annertusissallutik.

Innersuussut

Kommunalbestyrelsimit akureqqullugu innersuussutigineqassaaq,

siunnersuutip oqallisigineqareerneratigut Teknikkimit Avatangiisinullu ataatsimiitaliamut suliassangorlugu ingerlateqqinnejassasoq.

Aalajangiineq

Oqaaserineqartut ilanngullugit innersuussutigineqartoq akuersissutigineqarpoq.

Ilanngussaq

1. Marius Olsenip septembarip 3-ani 2013-imi allagaa



Imm. 12 Oqaluuserisassatut siunnersut – Puttasut pisanillu niusiviusinnaasumik pilersitsinissaq

Journalnr.

Tunuliaqutaq

Kommunalbestyrelsimi ilaasortap Marius Olsenip, puttasut pisanillu niusiviusinnaasumik pilersitsinissaq pillugit siunnersuut kommunalbestyrelsimi oqaluuserisassatut septembarip 3-ani 2013-imi e-malikkut nassiuppa.

Siunnersuummut tunngavilersuutigineqarpoq Sisimiuni umiatsiaaqqa tulattarfii puttasut talittarfissuup pilersinnerata kingunerisaanik annikillerujussuarneri. Ajoraluartumillu aserorternerit pisalersimapput umiatsiaaqqanillu kivisoqartalerluni.

Pisanut niusiviusinnaasumik peqanngimmat umiatsiaaqqaq aqquaartorneqartarpuit imaluunniit orsertarfiup puttasuatigoortoqarluni. Tamannalu pitsaasuunngimmat pingaartumik Qimatulivimmum majuuussassat eqqarsaatigalugit, pisanik niusiviusinnaasumik puttasumik pilersitsisoqarnissaa siunnersuutigaa.

Innersuussut

Kommunalbestyrelsimit akureeqqullugu innersuussutigineqassaaq,

siunnersuutip oqallisigineqareerneratigut Teknikkimut Avatangiisinullu ataatsimiititaliamut suliassanngorlugu ingerlateqqinneqassasoq.

Aalajangiineq

Oqaaserineqartut ilanngullugit innersuussutigineqartoq akuersissutigineqarpoq.

Ilanngussaq

1. Marius Olsenip septembarip 3-ani 2013-imi allagaa



**Imm. 13 Oqaluuserisassatut siunnersuut – Aalisakkanik tunitsiveqarsinnaaneq pillugu
seminaarertitsinissaq**

Journalnr.

Tunuliaqutaq

Kommunalbestyrelsimi ilaasortap Marius Olsenip, aalisakkanik tunitsiveqarsinnaaneq pillugu seminaarertitsinissaq pillugu siunnersuut kommunalbestyrelsimi oqaluuserisassatut septembarip 3-ani 2013-imi e-malikkut nassiuppa.

Siunnersuummut tunngavilersuutigineqarpoq Sisimiut eqqaanilu ukiuni arlalinni aalisakkanik tunitsiveqarniarnerup ilungersunarsiartuinnarnera, taamaattumillu siunnersuutigalugu upernaamut aaqqiiniarnissaq pillugu susassaqtunut ukiuunerani seminarertitsisoqarnissaa.

Innersuussut

Kommunalbestyrelsimit aktuereqqullugu innersuussutigineqassaaq,

siunnersuutip oqallisigineqareerneratigut Pisuussutit Uumassusillit pillugit ataatsimiitaliamut suliassanngorlugu ingerlateqqinneqassasoq.

Aalajangiineq

Oqaaserineqartut ilanggullugit innersuussutigineqartoq aktuersissutigineqarpoq.

Ilanngussaq

1. Marius Olsenip septembarip 3-ani 2013-imi allagaa



Imm. 14 Oqaluuserisassatut siunnersuut – Oqaatsinut politikkimik suliaqarnissaq

Journalnr.

Tunuliaquaq

Kommunalbestyrelsimi ilaasortap Malene Ingemannip, oqaatsinut politikkimik suliaqarnissaq pillugu siunnersuut kommunalbestyrelsimi oqaluuserisassatut septembarip 4-ni 2013-imi e-malikkut nassiuppi.

Siunnersummi ilanngunneqartumi allaqqasutut, Malene Ingemannip tusarusuppara kommunalbestyrelsimi misiligutitut tullinnguuttutigut oqaatsinut politikkimik suliaqartoqarsinnaanersoq:

- Atuarfinni/klassini tamani, meeqterivinni suliffeqarfinnilu oqaatsinut politikkeqartariaqarpoq, soorlu sulisoqarnermut politikkeqartoq.
- taamatuttaaq suuliffeqarfinnut atatillugu oqaatsinut politikkiliortoqartariaqarpoq.

Aammalu siunnersuummini ilanngullugu allappaa,

“Inuaqatigiit oqaatsitigut sakkussaannik ineriertortitsinissaq, oqaatsitigut akimmisaarfinnik qaangiinissaq, taamatullu attaveqaqatigiinnikkut oqaatsitigut kulturikkut assigiinngissutsinut annertunerusumik paaseqatigiinnissaq ataqqeqatigiinnissarlu siunertaavoq, kiisalu ulluinnarni ilinniarnissamut periarfissanik atorluaanissaq siunertaalluni.

Suliffeqarfinni qallunaatut oqaaseqartut kalaallisut oqaaseqartuni inuaqatigiinnut pitsaanerpaamik ilanngutivinnissaat pineqarpoq. Ullut tamaasa annikittukkuutaamik kalaallisut ilikkagaqarnissaq siunertaavoq.

Alloriarnerup siulliup qulakkiissavaa, ullumikkut oqaatsitigut sakkussat pigineqartut atorluarnissaat, oqaatsit akimortumik qanoq atorneqarnissaannut ilisimasaqarnerulernissaq, kiisalu oqaatsit akimorlugit inuaqatigiinnut ilanngutivitsitsinissamut ineriertortitsinissamullu sakkutut ’akeqanngitsutut’ atorneqarsinnaassallutik, taamaaliornikkullu inuit piginnaasaannik, kissaataaannik pisariaqartitaannillu atorluaasoqarsinnaalluni.

MALUGIUK: Suliffeqarfimmi oqaatsinut politikki ataasiinnaasariaqanngitsoq, - suliffeqarfimmi piumasaqaatit, sulisut akunnerminni pisariaqartitat assigiinngitsut ataatsimoortinneratigut, ataasiakkaat pisariaqartitaat naapertorlugit sularineqarsinnaapput.”

Maleruagassatigut tunngavissat

Oqaatsinut politikki pillugu Inatsisartut inatsisaat nr. 7, 19. maj 2010-meersoq. Qeqqata Kommuniani sulisoqarnermut politikki.

Pissutsit atuuttut

Oqaatsinut politikki pillugu Inatsisartut inatsisaat malillugu oqaatsinik politikkiliornissaq piumasaqaataavoq. Aammalu Qeqqata Kommuniani sulisoqarnermut politikkimi immikkoortoq oqaatsit pillugi politikki, Qeqqata Kommuniani sulisunut tunngasoq ilaalluni

”Oqaatsit pillugit politikki

Qeqqata Kommuniani sulisut atorfekartitaanerminnut ilanngullugu Kalaallisut Qallunaatullu ilinniarsinnaanerminnut pisinnaatitaallutillu pisussaaffeqarput. Oqaatsitigut politikki marluinnik sukaqarpoq, tassalu Sisimiuni Oqaatsinik Pikkorissarfimmi pikkorissarsinnaanermik sulianullu ilaatillugu atuartitsineq.



Suliffimmi atuartitaaneq sapaatip akunnerani aalajangersimasumik assersuutigalugu tallimanngornikkut nal. 13:00-imiit 14:30-mut ingerlanneqartarpoq. Suleqatit suliffimmink ugioq kaajallallugu atuartinneqartarlutik, taamaalillutik eqqissillutik ataavartumillu ilinniarsinaammata.

Suliffimmi atuartitaaneq illup iluani ingerlanneqartarpoq, tamatumani kalaallit kalaallisut ilinniartitsisarlutik qallunaallu qallunaatut. Suleqataasut kalaallisut qallunaatullu pikkorissut tuluttut atuarnissaminnik neqeroorfigineqartarput.

Suleqataasoq ugioq ataaseq kalaallisut ilinniareerpat, suleqataasoq sapaatip akunnerani ataatsimi nunaqarfimmi kommunip allaffeqarfiisa arlaanniissinnaanissaanik neqeroorfigineqartarpoq. Ukiuni tallimani oqaatsinik ilinniareernikkut immikkut ikuutissatut, ajunngitsumillu ukiuni tallimani ingerlatsisimanerminut ajunngitsorsiassatut, immaqa oqaatsinik sungiusaatigalugu angalaarsinnaanissaq periarfissaasinnaavoq.

Kalaallisut oqaatsit pingaarnertut atugassaapput, qallunaallu oqaasii oqaatsit aappaattut. Taamaattumik qallunaatut attaveqarnerit tamarmik kalaallisuuunngortitsinermik ilaqtinnejassallutik.”

Innersuussut

Innersuussutigineqarpoq siunnersuut kommunalbestyrelsip oqallisigissagaa.

Aalajangiineq

Oqallisereernerup kingorna aalajangiunneqarpoq siunnersuut suliassanngorlugu ataatsimiititalianut tamanut ingerlateqqinnejassasooq. Ataatsimiititaliat piumafineqassapput ingerlariaqqinnissamut siunnersuuteqassasut decembarimi kommunalbestyrelsip ataatsimiinissanut.

Ilanngussaq

1. Malene Ingemannip septembarip 4-ni 2013-imi allagaa

Imm. 15 Tamalaat

Nunami qamuteralannik sisamanik assakaasulinnik atuineq pillugu Marius Olsenip apeqquteqaataa borgmesterimit akissuteqarfigineqarpoq.

Qamuteralannik nunami angallanneq pillugu tusarniaaneq sumut killinnersoq Gedion Lyberthip apeqquteqaataanut Aningasaqarnermut, Teknikkимut Avatangiisinullu pisortaq nassuaateqarpoq.

Qeqqata Kommuniani tusagassiorfiit (lokalradio/TV/avis) pillugit borgmesteri paassisutissiivoq.

